

Ilisimasorta qarfiit suliaat ilisimasortallu pisussaaffii pillugit Kalaallit Nunaanni nalunaarut

Ilisimasortat pillugit inatsimmi § 9, § 16, imm. 3, § 17, imm. 3, § 24, imm. 7, § 26 a, imm. 1 aamma 2, aamma § 34, imm. 4, inatsit nr. 567, 9. juni 2006-imeersoq, inatsisikkut nr. 478, 30. maj 2012-imeersukkut allannngortinneqartoq, inatsit nr. 1231, 18. december 2012-imeersoq aamma inatsit nr. 725, 25. juni 2014-imeersoq, peqqussutikkut nr. 985, 24. august 2015-imeersukkut Kalaallit Nunaanni atuutilersinneqartoq, naapertorlugit Namminersorlutik Oqartussat isumasioqatigereerneratigut piginnaatitsereerneratigullu aalajangersarneqarpoq:

Kapitali 1

Ilisimasorta qarfiit suliaat

§ 1. Suliaq sunaluunniit ilisimasortat pillugit inatsimmi § 24, imm. 4-mi piunasaqaatinik naammassinnittoq, aaqqissuusseriaaseq atorneqartoq apeqqutaatinnagu, ilisimasorta qarfiittut nalunaarsugaanissamut piginnaatitaaffeqarpoq.

Imm. 2. Ilisimasorta qarfiit Kalaallit Nunaanni najugallit, ilisimasortat pillugu inatsimmi § 24, imm. 4, malittussaannngilaat.

§ 2. Ilisimasorta qarfik makkuninnga nammineq nakkutilliuartassaaq

- 1) Piffissat qasuersaarfiussat,
- 2) Allagartartartaartitsisarneq,
- 3) Sullivimmi avatangiisit, aamma
- 4) Misilittakkat.

Imm. 2. Ilisimasorta qarfik nammineq nakkutiginninnermi Søfartsstyrelsimut uppersartarnissaannut pisussaaffeqarpoq.

§ 3. Pisut avatangiisinut imaluunniit umiartornerup isumannaatsuutinnissaanut navialisitsisimasut kiisalu malittareqqusaasunik sanioqutsinerit tamaasa ilisimasorta qarfiit nalunaarsortassavaat.

§ 4. Ilisimasorta qarfiup qulakkiissavaa, ilisimasortaanissamik inniminniissutip tiguneqarniarlorlu inniminniineq pillugu paasissutissanut Søfartsstyrelsip isersinnaanissaa.

Imm. 2. Ilisimasortaanerup suulluunniit aallartiffia naaffialu ilisimasortaanerup naammassereerneratigut piaarnerpaamik ingerlaannartumik Søfartsstyrelsip elektronik atorlugu nalunaarsueriaasiani nalunaarsorneqartarnissaa ilisimasorta qarfiup qulakkeertassavaa. Nalunaarsuinermi taaneqartassaaq umiarsuaq sorleq ilisimasortaaffigineqarsimanersoq, ilisimasortaneq sumi pisimanersoq aamma tassani kina ilisimasortaasimanersoq.

§ 5. Ilisimasortaqarfiup qulakkiissavaa, ilisimasortaat piffissaq qasuersaarfiusussaq pillugu ilisimasortaqarfiup nammineq ilumini ilitsersuussiaa tamatigut malittassammasuk.

Imm. 2. Piffissat ilisimasortat qasuersaarfigisassaat pillugit naatsorsuusiortarnissaannut ilisimasortaqarfik pisussaaffeqarpoq.

Imm. 3. Nalunaaquttap akunnerisa 24-it ingerlanerisa iluanni sivilisunerpaamik nal. ak. 12-it ilsimasortaaffigineqartarnissaat pilersaarusiunneqartassaaq.

§ 6. Ilisimasortaqarfiup qulakkiissallugu sutigut tamatigut pisussaaffigaa ilisimasortaqarfimmi ilisimasortaat pineqartut suliap ingerlannissaanut pikkoriffeqartarnissaat aamma ilisimasortat pillugu inatsit aamma ilisimasortat pillugit inatsit naapertorlugu malittarisassiat malinneqartarnissaat.

Kapitali 2

Ilisimasortat pisussaaffii

§ 7. Ilisimasortaq pisussaavoq umiarsuup ilisimasortaaffigisap naalagaa taassumaluunniit paarlattaa ilitsersussallugu pitsaasumik umiartornissamik ileqqoreqqusat malillugit aamma misilittakkat paasisimasallu ilisimasortap pigisassai malillugit.

Imm. 2. Siunnersuinermi imm. 1-imi taaneqartumi makku pillugit paasissutissat pineqassapput:

- 1) Umiartornerup isumannaatsuunissaa, tak. umiartornermi aqutissat pillugit nunat tamat malittarisassaat aamma umiartorneq il.il. pillugu nunami pineqartumi malittarisassat.
- 2) IMO-mit innersuussutit, umiartornermut pineqartumut naleqquttut,
- 3) Imartami nalunaarsuutitigut kukkunerit,
- 4) Umiarsuarmi atortuinillu amigaatit kingunerisinnaasaat,
- 5) Umiartorneq pillugu pissutsit,
- 6) Avatangiisitigut pissutsit, tak. avatangiisit pillugit inatsisit,
- 7) Umiartornissap pilersaarusiornera, aamma
- 8) Umiarsuup angalanerani paasissutissat allat pingaarutillit.

Imm. 3. Paasissutissat imm. 2-mi pineqartut paasissutissiissutigineqassapput, ilisimasortaq umiarsuarmut ikiniariartorlu imaluunniit ilisimasortaq pissutsinik malugisaqarniariartorlu.

Imm. 4. Ilisimasortap qinnuigineqarnermigut nassuiarsinnaassavai, paasissutissat imm. 2-mi taaneqartut umiarsuarmi inuttanut tunniunneqarnerat paasineqarsimanerallu.

§ 8. Umiartornermi pineqartumi paasissutissat naleqquttut oqartussaasunut pineqartunut nalunaarutiginissaannut ilisimasortaq pisussaavoq, suut pissusissamisuunngitsutut erseqqissut pillugit, nammineq umiartorneq aamma tamaani angallattut allat pillugit.

Imm. 2. Paasissutissat naleqquttut imm. 1-imi taaneqartut imatut paasineqassapput:

- 1) IMO-p innersuussutaannik malinninnginneq,

- 2) Imartami nalunaarsuutit kukkuneqarneri,
- 3) Umiarsuarmi amigaatinik pissusissamisunngitsunillu erseqqissunik takusaqarneq, umiarsuup isumannaatsuunissaanut sunniuteqarsinnaasut imaluunniit imaani avatangiisit innarlerneqarsinnaanerit naammaginangitsumik ulorianartorsiortitsisinnaasut,
- 4) Inatsisinik unioqutitsisumik umiartorneq,
- 5) Pisut navianartut (near miss),
- 6) Avatangiisini pissutsit, tak. avatangiisit pillugit inatsit,
- 7) Itissutsit ajorseriaataat, aamma
- 8) Paasissutissat allat inuiaqatigiinnut, avatangiisinut umiarsuillu allat isumannaatsuunissaannut pingaarutillit.

Imm. 3. Paasissutissat imm. 2-mi taaneqartut, ilisimasortaq pissutsinik malussarniariarpat paasissutissiissutigineqassapput minnerpaamillu imarissallugit umiarsuaq pillugu paasissutissat naleqquttut (aqqa, IMO-mi kinaassusersinissamut normu, kalerrisaarissut erfalatorlu), umiartornermit paasissutissat (umiarsualivissinnerit kingullit, umiarsualivik ornitaq) kiisalu imm. 1 aamma 2 naapertorlugit pissutsit paasineqartut oqaluttuarinerat.

Imm. 4. Nalunaarusiap assilinera Søfartsstyrelsimut nassiunneqassaaq.

Kapitali 3

Pisinnaatitaanermik arsaarinnineq

§ 9. Ilisimasortaqarfik ilisimasortat pillugit inatsimmi § 24-mi taaneqartumi nalunaarsuiffimmit piiarneqarsinnaavoq, ilisimasortaqarfiup §§ 2-6 maleruarsimangippagit.

§ 10. Ilisimasortaq ilisimasortaanissamut allagartaminik arsaarneqarsinnaavoq, ilisimasortap §§ 7-8 maleruarsimangippagit.

Kapitali 4

Pineqaatissiinerit

§ 11. §§ 2-8-mi pineqartunik unioqutitsinernut Kalaallit Nunaanni pinerluttulerineq pillugu inatsit naapertorlugu pineqaatissiissutissat aalajangerneqarsinnaapput.

Imm. 2. Uuttuinermit sakkortusaatitut isigineqassapput

- 1) Unioqutitsinermi inuuneq imaluunniit peqqissuseq innarlerneqarsimappat imaluunniit navianartorsiortitsisoqarsimappat,
- 2) Tamatuma peqataanik siusinnerusukkut inerteqquteqartoqarsimappat imaluunniit peqqusisoqarsimappat imaluunniit pissutsinut taamaaqataanut, imaluunniit
- 3) Unioqutitsinermi namminermut allanulluunniit aningaasanik iluaqusiinissaq anguneqarsimappat siunniunneqarsimappalluunniit.

Imm. 3. Pinerluttulerinermut inatsimmi aalajangersakkat naapertorlugit unioqqutitsinikkut pissarsianik arsaarinnittoqarsimangippat, akiliisitsinissap uuttortarneqarnerani, tassani ilanngullugit tapertatut akiliisitsinermi, aningaasatigut iluaqusiinissaq angusimasap siunniussalluunniit annertussusissaa immikkut eqqarsaatigineqassaaq.

Imm. 4. Ingerlatseqatigiiffiit il.il. (inatsisilerinermik piginnaatitaasut pisussaatitaasullu) unioqqutitsisimappata inatsisilerinermik piginnaataasooq pisussaatitaasorlu akiliisitaanissamut akisussaatinneqarsinnaavoq. Naalagaaffik, Namminersorlutik Oqartussat, kommuuni, kommuunimi ataatsimoorussiffik, kommunalbestyrelsit imaluunniit nunaqarfinni aqutsisut il.il. imaluunniit nunaqarfinni siulersuisut pillugit inatsisartut inatsisaanni § 64-imi pineqartut unioqqutitsisimatillugit pisortatut oqartussaaffik pineqartoq akiliisussangortinneqarsinnaavoq.

Pillarneqarnissamut aalajangersakkat

§ 12. Pineqartoq Kalaallit Nunaanni najugaqanngippat imaluunniit pineqartoq inuiaqatigiinnut kalaallinut atanera annikinneruppat, pineqaatissiissutissat atornissaannut tunngavissaqanngippat, suliaq suliasangortinneqarsinnaavoq imaluunniit Danmarkimi malersugassangorlugu innersuussutigineqarsinnaavoq.

Imm. 2. §§ 2-9-nik unioqqutitsineq akiliisitaanermik imaluunniit ukioq ataaseq tikillugu parnaarusnaanermik pillarneqaataasinnaavoq.

Imm. 3. Pillaasarnermik inatsimmi kapitalit 5-aanni malittarisassat malillugit ingerlatseqatigiiffiit il.il. (inatsisilerinermik piginnaatitaasut pisussaasullu) pillarneqarsinnaapput.

Kapitali 5

Atuutilersitsineq

§ 12. Nalunaarut atuutilersinneqarpoq ulloq 1. juli 2016.

Søfartsstyrelsen, ulloq 11. december 2015

TROELS BLICHER DANIELSEN

/ Michael Skov